

第十七卷

神農本草經疏卷之十七

獸部中品

總十七種今疏其要者九種

白馬莖

尿溺附

鹿茸

角髓腎肉附

牛角鯁

臙肉附

殺羊角

肝腎肉血附

狗陰莖

頭骨血肉

附

羚羊角

犀角

虎骨

兔頭骨

腦肝肉附

白馬莖味鹹甘平無毒主傷中脉絕陰不起強

志益氣。長肌肉。肥健生子。小兒驚癇。陰乾百日  
用。

竈○馬火畜也。其陰莖又純陽之物也。故能  
主男子陰痿。堅強。房中藥多用之。本經味鹹  
氣平。別錄甘無毒。察其功用。氣平應作溫。非  
甘溫則不主傷中脉絕。以甘能補血脉。溫能  
通經絡故耳。陽衰則陰不起。而生長之道絕。  
鹹溫走下焦。補助真陽。則陰自起。精自煖。故

能令人有子也。氣屬陽，陽得補，故能益氣。腎藏志，腎氣足，故能強志。甘溫補血脈而助真氣。故又能長肌肉肥健也。別錄又主小兒驚癇者，似非其所長，應是誤入耳。凡收當取銀色無病白馬。春月游牝時，力勢正強者。生取陰乾百日。用時以銅刀切片。將生羊血拌蒸半日。去血晒乾剉用。

食馬肉忌蒼耳生薑粳米

### 主治參互

得肉菘蓉巴戟天山茱萸兔絲子真陽起石  
人參鹿茸狗陰莖作丸治真陽虛脫陰痿不  
起下元冷憊等證

簡誤

馬陰莖乃純陽之物也。凡陰虛火盛者不得  
服。人但喜其溫煖。滋助陽道。少年多慾者。房  
中術用之。仗其力勢。恣欲無節。以致損竭真  
陰。多成勞瘵。不可不戒也。

○馬通微溫。主婦人崩中。止渴。及吐下血。鼻衄。

金瘡止血。

馬屎曰通。牛屎曰涸。猪屎曰零。皆諸其名也。

疏○白馬通本經雖云微溫。然必是苦而涼者也。惟其苦涼。所以能療諸血熱證。止渴。及孟詵主陰陽易垂死者。絞汁服也。

○白馬溺。味辛微寒。主消渴。破癥堅積聚。男子伏梁積疝。婦人瘕疾。銅器盛飲之。

疏○白馬溺。昔有人與其奴皆患心腹痛病。

奴死剖之得一白鼈。赤眼仍活。以諸藥納口中。終不死。有人乘白馬觀之。馬尿墮鼈而鼈縮。遂以灌之。卽化成水。其人乃服之。疾亦愈。觀其氣味。不應有如是之功。乃知物性畏忌。各有所制。如刀柄之刈三稜而化爲水。正以遇其所制之物故也。本經云。氣微寒。然詳其用。必是微溫。味應帶鹹。辛鹹溫具足。所以能療經所言諸證。

主治參互

千金方食髮成癥。咽中如有蟲上下者。白馬  
尿飲之佳。鮑氏方利骨取牙。白馬尿浸茄  
稗。三日炒爲末。點牙卽落。

簡誤

無積聚癥瘕者不得服。胸中虛痞。誤作伏梁  
服之有損。

鹿茸味甘酸溫微溫無毒。主漏下。惡血。寒熱驚



癩益氣強志生齒不老療虛勞洒洒如瘧羸瘦

四肢酸疼腰脊痛小便利洩精溺血破留血在

腹散石淋癰腫骨中熱疽癢癢應作瘍○凡用取形如分岐馬鞍

茸端如瑪瑙紅玉破之肌如朽木者最良

先以酥薄塗勻於烈炎中燎去毛再炙雷公曰凡使鹿茸如前法燎去毛後用黃精自然汁浸兩日取出切炙令入湯仍用酥炙

疏○鹿茸稟純陽之質含生發之氣故其味

甘氣溫別錄言酸微溫氣薄味厚陰中之陽

也入手厥陰少陰足少陰厥陰經婦人衝任

脉虛則為漏下惡血或瘀血在腹或為石淋

男子肝腎不足。則爲寒熱驚癇。或虛勞洒洒。如瘧。或羸瘦。四肢酸疼。腰脊痛。或小便數利。洩精溺血。此藥走命門心包絡。及腎肝之陰分。補下元真陽。故能主如上諸證。及益氣強志。生齒不老也。癰腫疽瘍。皆榮氣不從所致。甘溫能通血脈。和腠理。故亦主之。日華子主補男子腰腎虛冷。脚膝無力。夜夢鬼交。精溢自出。女人崩中漏血。赤白帶下。炙未空心酒

服方寸匕。

主治參互

同牛膝、杜仲、地黃、山茱萸、補骨脂、巴戟、天山藥、肉蓯蓉、兔絲子、治腎虛腰痛及陰痿不起。澹寮方：班龍丸治諸虛。用鹿茸酥炙、鹿角膠炒成珠、鹿角霜、陽起石、煨紅醋淬肉蓯蓉、酒浸酸棗仁、柏子仁、黃耆各一兩、地黃九蒸、八錢、朱砂半錢、各爲末、酒糊丸、梧子大、每空

心酒下五十九。昔西蜀市中有道人貨之。  
一名茸珠丹。每醉高歌曰。尾閭不禁滄海竭。  
九轉靈丹都漫說。惟有班龍頂上珠。能補玉  
堂關下穴。朝野遍傳之。卽此方也。普濟方。

鹿茸酒治陽事虛痿小便頻數面色無光用  
嫩鹿茸一兩去毛切片山藥末一兩絹袋裹  
置酒甕中七日後開甕日飲三盃將茸焙乾  
作丸服。本事方陰虛腰痛不能反側鹿茸

兔絲子各一兩、茴香半兩、爲末、以羊腎二對、  
和酒煮爛、搗如泥、和丸、梧子大、陰乾、每服三  
五十九丸、酒下、日三服、濟生方、室女白帶、因  
衝任虛寒者、鹿茸酒蒸、焙二兩、金毛狗脊白  
歛各一兩、爲末、用艾煎醋打米糊、丸梧子大、  
每酒下五十九丸、日二服、簡誤同白膠

○鹿角、味鹹、無毒、主惡瘡、癰腫、逐邪、惡氣、留血、  
在陰中、除小腹血急痛、腰脊痛、折傷、惡血、益

氣。杜仲爲之使。

雷公曰鹿角要黃色。此方以好者佳。李時珍云寸截炭火燒通搗末水和成餅以絹袋盛之。  
疏○鹿山獸屬陽。夏至解角者陰生陽退之。

五層成之。再假再和。以此五度以牛乳和再燒過。研用。生用則散熱。行血清腫。辟邪。詭用。  
象也。麋澤獸屬陰。冬至解角者陽生陰退之。

則益腎補虛。強精活血。煉成膏則專於滋補。  
象也。是以麋茸補陰。鹿茸補陽。角亦如之。凡

角初生軟嫩者爲茸。稟壯健之性。故能峻補

腎家真陽之氣。熬成白膠。則氣味甘緩。能通

周身之血脉。生角則味鹹。氣溫。惟散熱行血

消腫。辟惡氣而已。鹹能入血。軟堅。溫能通行

散邪。故主惡瘡、癰腫、逐邪、惡氣及留血在陰  
中、少腹血急痛、折傷、惡血等證也。肝腎虛則  
爲腰脊痛、鹹溫入腎、補肝、故主腰脊痛、氣屬  
陽、補陽、故又能益氣也。日華子云、水磨服、治  
脫精、尿血、夜夢、鬼交、醋磨汁塗瘡瘍、癰腫、熱  
毒、火灸熱、熨小兒重舌、鵝口瘡。孟詵云、蜜炙  
研末、酒服、輕身強骨、髓、補陽道、絕傷。又治婦  
人夢與鬼交者、酒服一撮、卽出鬼精、燒灰治

女子胞中餘血不盡欲死者悉取其入血行  
血散熱消腫補陽辟邪之意也。

主治參互

濟生方骨虛勞極面腫垢黑脊痛不能久立  
血氣衰憊髮落齒槁甚則喜唾用鹿角屑二  
兩牛膝一兩半爲末煉蜜丸梧子大每服五  
十丸空心鹽湯下肘後方腎虛腰痛如錐  
刺不能動搖鹿角屑三兩炒黃研末空心溫



酒服方寸七日三  
 子母秘錄產後腹痛瘀  
 血不盡者鹿角燒研或汁服方寸七日三并  
 治產後血暈 千金方蹉跌損傷血瘀骨痛  
 鹿角末酒服方寸七 瀕湖友癰癤腫痛毒  
 鹿角尖磨濃汁塗之

簡誤

無瘀血停畱者不得服陽盛陰虛者忌之胃

火齒痛亦不宜服

○髓味甘溫。主丈夫女子傷中絕脉筋急瘧效。逆以酒和服之良。

疏○髓者精血之純。慤內充以實骨者也。鹿稟純陽。故其髓味甘。氣溫。性能補血而潤燥。所以主一切血脉不和。如傷中脉絕筋急痛。及欬逆也。日華子同蜜煮服。壯陽道。令人有子。同地黃汁煎膏服。填骨髓。壯筋骨。治嘔吐者。亦此意也。

○腎平。主補腎氣。

疏○鹿性淫。一牡常御百牝。腎氣有餘故也。故服之能壯陽道。補腎家不足。

○鹿肉甘溫。補中。強五藏。益氣力。生者療口僻。

孟詵云九月已後正月以前堪食他月不可食凡白胸者豹文者其脯炙之不動及見水而動或晒之不燥者並殺人不可食雜及多蝦食  
割薄之。

疏○鹿所食多芳草。其性質芳潔。氣味醇和。

故其肉味甘。氣溫。無毒。與他肉不同也。性能

益脾胃。通血脉。故主補中。強五臟。益氣力也。

生者療中風口僻亦取其有通血脉之功。血脉通則口僻自正也。

牛角鯁。下閉血。瘀血疼痛。女人帶下。燔之。味苦無毒。

疏。○牛角鯁乃角中嫩骨也。爲筋之粹。骨之餘。入足厥陰。少陰。血分之藥。兼入手陽明經。若能泄溫能通行。故主婦人帶下。及閉血瘀血疼痛也。

主治參互

同猪懸蹄、狷皮、金頭蜈蚣、蛙、竹屑、明礬、白蠟、  
去漏管、近效方、大便下血、黃牛角、鯁一具、  
煨末、煮豉湯服二錢、日三、塞上方、鼠瘦痔、  
疾、牛角、鯁燒灰、酒服方寸匕、

○膽、味苦、大寒、無毒、除心腹熱、渴、利口、焦燥、益  
目精、可丸藥、

疏○膽、牛食百草、其精華萃於膽、其未若其

氣大寒無毒。經云寒以勝熱，苦以泄結。故主  
心腹熱及渴。利口焦燥也。肝開竅於目。肝熱  
則目睛不明。入肝泄熱。故益目精也。近世以  
南星末釀入。陰乾。治驚風有奇功者。取其苦  
寒製南星之燥。俾善於豁痰除熱耳。

簡誤

脾胃虛寒者忌之。目病非風熱者不宜用。

○牛肉味甘平無毒。主安中。益氣養脾胃。

忌黍米此藥  
善治犬肉  
粟子

疏○牛土畜也。黃中央正色也。經云中央色黃。入通於脾。故爲益脾胃之藥。脾胃得所養。則中自安。氣自益矣。丹溪朱氏有倒倉法。非爲其有吐下之力也。特飲之既滿。或上湧下泄爾。此蓋借其補以爲瀉。故積聚去。而腸胃得所養。亦奇法也。但病非關腸胃者。不宜服。凡牛病死。及黑身白頭。獨肝者。皆不宜服。合猪肉。及黍米。酒食。並生寸白蟲。合韭薤食。令

人熱病合生薑食損齒又云牛乃稼穡之資不可多殺及食若以之療病則藥物甚多以之供饌核則肥甘不少似可無此一物也好生君子其念及而力戒之當有冥福耳

鯨羊角味鹹苦溫微寒無毒主青盲明目殺疥蟲止寒洩辟惡鬼虎狼止驚悸療百節中結氣風頭痛及蠱毒吐血婦人產後餘痛久服安心益氣輕身取之時勿中溼溼卽有毒

免係子為之使



疏○羊角乃肺肝心三經藥也。而入肝爲王。本經鹹溫。別錄苦微寒。甄權大寒。察其功用。應是苦寒居多。非苦寒則不能主青盲驚悸。殺疥蟲及風頭痛。蠱毒吐血也。蓋青盲肝熱也。驚悸心熱也。疥蟲溼熱也。風頭痛火熱上升也。蠱毒吐血熱毒傷血也。苦寒總除諸熱。故能療如上等證也。驚悸平則心自安。熱傷氣熱除則氣自益。其主百節中結氣與婦人

產後餘痛。亦指血熱氣壅者而言。本經又主  
止寒洩。及辟惡鬼虎狼。未解其義。俟博物者  
詳之。

食羊肉忌梅 豆豉 葡萄酒 蕎麥 猪肉 魚脰 魚酢 醋

### 主治參互

子母秘錄。產後寒熱。心悶。脹極。百病。殺羊角  
燒末。酒服。方寸七。普濟方。治小兒癩疾。方

同上

○羊腎補腎氣。益精髓。

疏○羊腎補腎氣者。以其類相從。借其氣以補其不足也。腎得補。則精髓自益矣。

主治參互

羊腎一對。去脂。切肉。菹容一兩。酒浸一夕。去皮膜。和作羹。加五味食。治勞傷陽虛無力。

○羊肉味甘。大熱無毒。主緩中。字乳餘疾。及頭腦大風。汗出虛勞。寒冷。補中益氣。安心止驚。

反北。夏

菹菹

疏○羊得火土之氣以生。故其味甘。氣大熱。無毒。素問言苦。亦以其性熱屬火耳。李杲云。補可去弱。人參羊肉之屬是已。羊肉有形。凡形氣痿弱。虛羸不足者。宜之。其主字乳。餘疾者。蓋產後大虛。血氣暴損。得甘熱之物。補助陽氣。則陰血自長。餘疾自除矣。中氣虛。則心不安。或驚惕。陽氣弱。則頭腦大風。汗出。補中。則中自緩。故能安心。止驚。益氣。則陽自足。故

能療頭腦大風汗出及虛勞寒冷也

主治參互

金匱要略羊肉湯。治寒勞虛羸及產後心腹  
疝痛用肥羊肉一斤水一斗煮汁八升入當  
歸五兩黃耆八兩生薑六兩煮取二升分四  
服又方產後虛羸腹痛冷氣不調及腦中  
風汗自出白羊肉一斤治如常調和食之  
飲膳正要壯胃健脾羊肉三斤切梁米二升

同煮下五味作粥食。千金方損傷青腫用  
新羊肉貼之。

簡誤

羊肉味甘。大熱。脾胃虛寒。羸瘦氣乏者。宜之。

汪機云。全著。起豆。留食。發痲疾。令醋食。傷人心。  
然天行熱病後。溫瘧熱痢後。食之。必致發熱。

難療。妊婦食之。令子多熱。與夫癰腫。瘡瘍。消  
渴。吐血。嘈雜。易饑等證。咸不宜服。又銅器煮  
食之。男子損陽。女子暴下。物性之異如此。不

可不知也

○羊肝性冷。潤肝風虛熱。目赤暗無所見。生食子肝七枚神効。或切薄片水浸傳之。

疏○羊肝補肝。以類相從。肝開竅於目。肝熱則目赤痛失明。補肝除熱。所以能明目。及治諸目疾也。

主治參誤

醫鏡翳膜羞明有淚。肝經有熱也。用青羊子

用一具。竹刀切。和黃連四兩爲丸。梧子大。食遠茶清下。七十九日三服。忌鐵器。猪肉冷水。

○羊血主女人中風血虛悶。產後血暈。悶欲絕者。生飲一升卽活。

疏○血爲水化。故其味應鹹。氣平無毒。女人以血爲主。血熱則生風。血虛則悶絕。鹹平能補血涼血。故主女人血虛中風。及產後血悶欲絕也。性能解丹石毒。如丹砂水銀汞粉生



銀礪砂、砒霜、硫黃、鍾乳、礬石、陽起石等類。凡覺毒發，刺飲一升，卽解。凡服地黃、何首烏諸補藥者，須忌之。

注狗陰莖，味鹹平無毒。主傷中陰痿不起，令強熱大生子。除女子帶下，十二疾。一名狗精。六月上伏取陰乾百日。

疏○狗陰莖氣味與馬陰莖同。其所主亦相以。性專補右腎命門真火。故能令陽道豐隆。

精煖盈溢。使人生子也。女子帶下十二疾。皆衝任虛寒所致。鹹溫入下焦。補煖二脉。故亦主之也。

食狗肉忌菱角

蒜

鯉魚

鱒魚

### 主治參互

同 兔絲子 覆盆子 魚膠 車前子 巴戟天 肉蓯蓉 鹿茸 沙苑 蒺藜 山茱萸 能益陽煖精 使人有子。

### 簡誤

陽事易舉者忌之。內熱多火者勿服。

○頭骨主金瘡止血。

燒灰用黃狗者良。餘骨燒灰生肌。敷馬瘡及療諸瘡。

瘦如乳癰腫。

疏○狗頭骨本經無氣味。察其功用。應是甘

鹹溫之物。鹹能入血。甘能補血。溫能和血。故

主金瘡止血也。

主治參互

同血竭、乳香、沒藥、蚶蛇膽、麝蟲、天靈蓋、自然

銅治跌撲損傷有神。臨杖時服之。護心止痛。  
杖後服之。生肌長肉。千金方治小兒久痢。  
狗頭骨燒灰。白湯服。非久痢虛寒者勿用。  
利濟局方。狗頭骨丸。治久痢臍腹疔痛。所下  
雜色。晝夜不止。或其人久虛。所下腸垢。謂之  
惡痢。竝能治之。赤石脂。乾薑。各半兩。肉豆蔻。  
煨附子。炮去皮。各一兩。狗頭骨灰。一兩。爲末。  
醋和丸。如桐子大。每服六七十丸。空心米飲。

下、非陰臟人及陽虛極者不宜用。聖惠方

赤白帶下不止者、狗頭骨燒存性爲末、每酒服一錢、日三。經驗方、產後血不定、奔四肢、

以狗頭骨灰、酒服二錢、甚效。衛生易簡方、

打損接骨、狗頭骨灰、熱醋調塗傷處、暖臥、

壽域方、惡瘡不愈、狗頭骨灰、黃丹等分、敷之、

同白歛等分爲末、生白酒調服五錢、治少

腹癰有神、

○白狗血味鹹無毒主癲疾發作

疏○癲疾屬手少陰。少陰主血藏神。血虛而神自不寧。故發是證。此物入心補血。以類相從。故主癲疾發作也。

簡誤

犬性熱以其稟火土之氣。故助陽。陽勝則發熱。動火生痰發渴。凡病人陰虛內熱多痰多火者。慎勿食之。天行病後尤爲大忌。治痢亦

非所宜。

○肉味鹹酸溫。主安五藏。補絕傷。輕身益氣。

反商陸 畏杏仁 同蒜食損人 同藜食生頭 炙食大渴 熱病後食之殺人 及子婦食令子啞

疏○犬火畜也。其味鹹酸。氣溫。無毒。乃脾胃

瘦犬有病 瘋犬令人發狂 自死犬有毒 懸蹄犬傷人 目赤者殺人 九月食犬傷神

家肉也。五臟皆賴脾胃以養。脾胃得補。故主

安五臟。五臟安而身自輕。氣自益。絕傷自補

矣。日華子主補胃氣。壯陽道。暖腰膝。益氣力。

孟詵主補五勞七傷。益陽事。補血脉。厚腸胃。

實下焦。填骨髓者。皆取其溫煖脾胃之功。則

氣血生長。腰腎受虛。陽道壯健。而下焦煖也。

### 主治參互

乾坤秘韞戊戌丸。治男子婦人一應諸虛。不足。大補元氣。用黃童子狗一隻。去皮毛肚腸。同外腎於砂鍋內。以酒酢八分。水二升。入地骨皮一斤。肉苁蓉各半斤。同煮一日。去藥。再煮一夜。去骨。再煮肉如泥。搗細。入當歸末四兩。蓮肉蒼朮末各一斤。山藥兔絲子末各十



兩。甘草末八兩。和杵千下。丸梧子大。每空心  
酒下六七十丸。危氏方痔漏有蟲。用熟犬  
肉蘸藍汁。空心食。七日効。

簡誤

氣壯多火。陰虛之人不宜食。凡犬肉不可炙  
食。令人消渴。妊婦食之。令子無聲。熱病後食  
之。殺人。道家以犬爲地厭。忌食。

羚羊角。味鹹苦寒。無毒。主明目。益氣。起陰。

去惡血注下。辟蠱毒惡鬼不祥。安心氣常不魘。  
寐。療傷寒時氣寒熱。熱在肌膚。溫風注毒。伏在  
骨間。除邪氣驚夢狂越僻謬。及食噎不通。久服  
強筋骨輕身起陰。益氣利丈夫。

疏○羊火畜也。而羚羊則屬木。本經味鹹氣  
寒。別錄苦微寒。無毒。氣薄味厚。陽中之陰。降  
也。入手太陰。少陰。足厥陰經。少陰爲君主之  
官。虛則神明不守。外邪易侵。或蠱毒惡鬼不

祥。或邪氣魘寐。驚夢狂越。僻謬。矜羊性靈。能  
通神靈。逐邪氣。心得所養。而諸證除矣。其主  
傷寒。時氣。寒熱。熱在肌膚。溫風。注毒。伏在骨  
間者。皆厥陰爲病。厥陰爲風木之位。風熱外  
邪傷於是經。故見諸證。入肝散邪。則諸證自  
除。經曰。壯火食氣。又曰。熱則骨消筋緩。火熱  
太甚。則陰反不能起。而筋骨軟。鹹寒入下焦。  
除邪熱。則陰自起。氣自益。筋骨強。身自輕也。

肝熱則目不明。肝藏血。熱傷血。則惡血注下。  
肝在志爲怒。病則煩滿。氣逆。壅塞不通。苦寒  
能涼血熱。下降。能平逆氣。肝氣和。而諸證無  
不瘳矣。

主治叅互

同犀角、丹砂、牛黃、琥珀、天竺黃、金箔、茯神、遠  
志、鈞藤、鈎竹、瀝、治驚邪、魘寐、及癲癩、狂亂等  
疾。同枸杞子、甘菊花、決明子、穀精草、生地

黃、五味子、黃檗、蜜蒙花、木賊草、女貞實、治肝  
腎虛而有熱、以致目昏生翳、外臺秘要、噎  
塞不通、羚羊角爲細末、飲服方寸七、千金  
方、產後煩悶、汗出不識人、羚羊角燒末、東流  
水服方寸七、未愈再服、

簡誤

凡肝心二經虛而有熱者宜之。虛而無熱者  
不宜用。凡用有神羊角甚長。有二十四節。挂

痕甚明。內有天生木胎。此角有神力。抵千牛。  
入藥不可單用。須要不拆元對。繩縛鐵銼銼  
細末。盡處須重重密裹。恐力散也。避風搗篩  
極細。更研萬匝。如飛塵後。入藥免刮人腸。

犀角。味苦酸鹹寒。無毒。主百毒蠱疰邪鬼  
瘴氣。殺鉤吻鳩羽蛇毒。除邪不迷惑。魘寐。療傷  
寒溫疫頭痛寒熱諸毒氣。久服輕身駿健。升麻  
松脂

爲之使。惡烏頭。忌鹽。凡欲作末。先鋸  
屑置人懷中一宿。搗之。應手成粉。

疏○犀亦神獸也。故其角之精者名通天。夜視有光。能開水辟邪。禽獸見之皆驚駭。辟易。本經味苦氣寒無毒。別錄酸鹹微寒。李珣大寒。味厚於氣。可升可降。陽中之陰也。入足陽明。兼入手少陰經。陽明爲水穀之海。無物不受。又口鼻爲上下陽明之竅。邪氣多從口鼻而入。凡蠱毒鬼瘴與夫風火邪熱氣之侵人也。必先入於是經。犀角爲陽明經正藥。其性

神靈而寒。故能除邪鬼。省魘寐。其味苦寒。能散邪熱。解諸毒。故主百毒。蠱症。瘴氣。殺鉤吻。鳩羽。蛇毒。及傷寒。溫疫。頭痛。寒熱等證也。邪熱去。則心經清明。人自不迷惑。胃亦遂安。而五臟皆得所養。故能令人駿健。及久服。輕身也。藥性論。主鎮心神。解大熱。散風毒。治發背。癰疽。瘡腫。療時疾。熱如火。煩毒入心。狂言妄語。日華子。治心煩。止驚。鎮肝。明目。海藥。主風。



毒攻心。耗熱悶。小兒痘豆風熱驚癇。子盪  
主中惡心痛。中飲食藥毒。心風煩悶。中風失  
音。及今人用治吐血衄血下血傷寒畜血發  
狂譏語發黃發斑痘瘡稠密熱極黑陷等證。  
神効。皆取其入胃入心散邪清熱涼血解毒  
之功耳。

主治參互

同鬼白麝香龍齒茯神蘇合香沉水香天靈

蓋丹砂雄黃能辟鬼疰邪氣。同丹砂琥珀

金箔天竺黃牛黃釣藤鈎羚羊角真珠麝香  
治大人小兒風熱驚癇。磨汁同生地黃紅

花子麥門冬紫草白芍藥鼠黏子治痘瘡血  
熱初見點紅豔壯熱口渴煩躁狂語多服可

保無虞。磨汁同鬱金童便生地黃麥門冬

炙甘草白芍藥紫蘇子剪草丹參白藥子治

吐血衄血。犀角地黃湯治傷寒畜血發黃

或熱盛吐血 入紫雪丸治大人小兒顛狂  
溫疫、蠱毒、邪魅一切煩熱爲病 入抱龍丸  
治小兒恍惚驚悸、痰涎壅塞 入至寶丹治  
中風不語、中惡氣絕、一切神魂恍惚癲狂擾  
亂等證 聖濟總錄吐血不止似鵝鴨肝用  
生犀角、桔梗各一兩爲末、每酒服二錢 廣  
利方治小兒驚癇不知人、嚼舌仰目者、犀角  
磨濃汁服之立効 錢氏小兒方痘瘡稠密

生犀角於澀器中、新汲水磨濃汁冷飲之、  
千金方、癰疽毒瘡、喜着十指、狀如代指、根深、  
至肌、能壞筋骨、毒氣入藏、殺人、宜燒鐵烙之、  
或灸百壯、日飲犀角汁、瘡、聖惠方、下利、鮮  
血、犀角、地榆、金銀花、各一兩、升麻五錢、爲末、  
煉蜜丸、彈子大、每服一丸、水一升、煎五合、去  
滓、溫服、此熱毒伏於心經故也、宜加丹砂、滑  
石末、以金銀藤花、熬汁、煎藥、更効、

簡誤

痘瘡氣虛無大熱者不宜用。傷寒陰證發躁  
因陰寒在內。逼其浮陽失守之火。聚於胸中。  
上衝咽喉。故面赤手溫。煩嘔喜飲涼物。食下  
良久復吐。出惟脈沉細足冷。雖渴而飲水不  
多。且復吐出。爲異於陽證耳。不宜誤用犀角  
涼劑。妊婦勿多服。能消胎氣。

虎骨主除邪惡氣。殺鬼疰毒。止驚悸。主惡瘡鼠

瘦頭骨尤良。

蘇頌曰藥箭射殺者不可入藥雄虎者勝頭骨頸骨<sup>前</sup>脛骨色黃者佳。李時珍云凡用

疏○虎西方之獸。山獸之君。屬金而性最有

虎骨至極碎去髓或酥或醋或酒塗炙黃研用

力。語云風從虎者風木也。虎金也。木受金制。

焉得不從。故虎嘯而風生。自然之道也。所以

能治風病。攣急屈伸不便。走疰骨節風毒驚

癩癩疾等證。其性雖死。而脛猶竅立不仆。故

脛骨治脚膝無力。及手足諸風多効。取以類

相從。借其氣有餘以補不足也。本經無氣味。

藥性論云。味辛。微熱。無毒。稟勇猛之氣。其味更辛散而通行。故主辟邪惡氣。殺鬼疰毒。止驚悸也。惡瘡鼠瘦。亦風邪浸淫所致。消散風邪。則惡瘡鼠瘦自除矣。

主治參互

同牛膝、木瓜、地黃、山藥、山茱萸、黃檗、枸杞子、麥門冬、五味子、治腰脚無力、筋骨疼痛、或痿弱不能步履。同草薢、獨活、防己、蒼朮、牛膝。

何首烏、薏苡仁、木瓜、刺蒺藜治風寒溼邪着於經絡以致偏痺不仁。同當歸、白芍藥、炙甘草、續斷、牛膝、白膠、麥門冬、地黃治遍身骨

節痛。永類鈴方健忘驚悸預知散用虎骨

酥炙、白龍骨、遠志等分爲末每服三錢生薑湯下日三久則令人聰慧。李絳兵部手集

虎骨治臂脛疼痛不計深淺皆效用虎脛骨二兩酥炙碎、羚羊角屑一兩芍藥二兩切以



無灰酒浸之養至七日、秋冬倍之、每日空腹  
飲一盃、若要速服、卽入磁銀器中、以火煖養  
二三日、卽可服也、聖濟總錄、歷節痛風虎  
脛骨炙三兩、沒藥七錢、爲末、每服二錢、溫酒  
下、日三、小品方、惡犬咬傷、虎骨刮末、水服、  
并傳之、

簡誤

凡血不足以養筋、以致筋骨疼痛者、宜少用、

兔頭骨平無毒。主頭眩痛癩疾。腦主塗凍瘡。

肝主目暗。肉味辛平無毒。主補中益氣。合兔肉忌薑橘皮雞芥子末鹿獺

疏○兔屬金。得太陰之精。故其性喜望月。兔

至秋深時可食者。金氣全也。其肉味辛氣平

無毒。然詳其用。味應有甘。氣應作涼。經曰。裏

不足者以甘補之。又曰。熱傷氣。味甘而氣涼。

所以能補中益氣也。肝為風木之位。太過則

搖動撼物。兔屬金。而頭骨在上。尤得氣之全。

故能平木邪。療頭眩痛癩疾也。肝開竅於目。兔目不瞬而瞭然。其肝氣足也。故能主目暗。河間云。兔肝明目。因其氣有餘。以補不足也。腦爲髓之至精。性溫而滑潤。故主塗凍瘡皸裂。及世人用爲催生利胎之聖藥也。血味鹹寒。能涼血活血。解胎中熱毒。亦能催生易產。屎一名明月砂。明目治目中翳膜勞瘵五疳痔瘻殺蟲解毒。

主治參互

博濟方催生散用臘月兔腦攤紙上夾勻陰  
乾剪作符子於面上書生字一箇候產母痛  
極時用釵股夾定燈上燒灰煎丁香酒調下  
和劑局方催生丹麝香乳香母丁香爲末  
臘月兔腦和丸如芡實大陰乾密封每一丸  
溫水下卽時產下隨男女左右手中握藥丸  
是驗劉氏保壽堂方兔血丸小兒服之終

身不出痘瘡、卽出亦稀少、臘月八日、取生兔  
一隻、刺血和蕎麥麩、少加丹砂、雄黃、四五分、  
候乾、丸菜豆大、初生小兒以乳汁化下、二三  
丸、遍身發出紅點、是其徵驗也、但兒長成常  
以兔肉啖之、尤妙、  
藺氏經驗方、痘後目腎  
直往山中東西地上、不許回顧、尋兔屎、二七  
粒、以雌雄檳榔各一箇、同磨、不落地、井水調  
服、百無一失、其效如神、

妊娠不宜食兔肉。令子缺唇。且能致產不順。  
性寒屬陰。陽虛無熱者。不宜服。多服則損元  
氣。痿陽事。不宜合白雞。獺肉。薑。橘。芥同食。八  
月至十月可食。餘月傷人神氣。